



34. ԷՇԸ ԲԱԴԱ ՏԱԼԸ

Հիլիսեցե շարշի Հարարեղը օգեցալ ա, թա քյինն Աղդամ
ռանգյ-մռանգյ, լեղակ-մեղակ, թանակ, ասեղ, սանշեղ, բլափկա,
վերչը՝ խուրդավաթ պիրի, շենացուց յրան ծախե:

Էշին նստում ա, հղե ինում: Վեր հսնում ա խոշալլուվեն դու-
զը, վազոնեն հղեն հալն նոր քցած ըն ինում, հունց ա պտահում,
էտ վազոնը հղցեն մաշտեղը վենն ա կենում:

Էս Հարարեղը մեթկ ա անում, վեր նստե էտ վազոնը:

Վերչը խուրջինը էշան վեր ա օնում, օսավը քցում, էշին վազոնեն
քմական կապում, ինքըն էլ եր ինում վրազոնումը նստում: Վազոնը
վեր խող ա ինում, քյինում, քմական էշը կարում չի հսնե, քաշ ա
ինում հետան էնչունք տես-տեն քաշ-քաշ ա անում, վեր ստակում ա:
Մհենգյ էլ մին տեղ էս վազոնեն ըռըշկեն պրավողը պուք ըն տամ,
վեր քյնն ճուր յոր օնե, նոր կյա:

Ինքը վեր ա կյամ, հետան վազ տամ, թա.— Մըեզ թողած
փախճում ըք, ա տնըքանդե՞ր, խե՞ թողում ըք ինձ:

Վերչը տըրան մին կյերպ հսկցնում ըն, թա.— Էս ա կկյա, քյըեզ
տանե, վախել մեր:

Կյամ ա, թա նորու նստե, մենն ա ընգնըմ էշը: Նորու վեր ա
կյամ, քմակեն եշում, տեսնում էշին կլոխն ա մինակ մնացալ կախ
իլած:

Ետ ա տըեռնում մեր Հարարեղը, էլ վազոն չի նստում, վեր
զվանոկ ա տամ, թա հղե ինի, հետան պըլլոր ա անում, թա.— Հի՛նչ
ըս պուանչում, էշս, էշս ըեդմա ծնիս, էշըս, կոնյա կաշին էլ չըս ինձ
ավալ, թա տըրեխ անիմ, պա իտի մրթոթուն կինի՛ր...